



Republika e Kosovës – Republika Kosova
Paneli Zgjedhor për Ankesa dhe Parashtresa
Izborni Panel za Žalbe i Predstavke

Anr.91/2019

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Fejzullah Rexhepi kryesues, Faton Ademi dhe Adnan Konushevcu anëtarë, me pjesëmarrjen e zyrtarës së lartë ligjore Antigona Murati, duke vendosur përkritazi me ankesën e Institutit Demokratik të Kosovës (KDI), me seli në Prishtinë, paraqitur kundër subjektit politik Lidhja Demokratike e Kosovës (LDK), dega në Ferizaj, për shkak të vendosjes së posterit në shtyllën e ndriçimit publik, për Zgjedhjet e Parakohshme për Kuvendin e Republikës së Kosovës, në seancën e panelit të mbajtur me datë 27.09.2019, mori këtë:

V E N D I M

Pranohet e bazuar ankesa e Institutit Demokratik të Kosovës (KDI) me seli në Prishtinë, dhe subjektit politik Lidhja Demokratike e Kosovës (LDK), dega në Ferizaj, i shqiptohet dënimi më gjorbë në vlerë prej 3.000 (tremijë) euro, të cilën detyrohet ta paguaj në afat prej 15 (pesëmbëdhjetë), ditë nga dita e pranimi të këtij vendimi nën kërcënim të përmbarimit.

A r s y e t i m

PZAP-i, ka pranuar një ankesë me datë 26.09.2019, nga Instituti Demokratik i Kosovës (KDI), me të cilën pretendon se gjatë monitorimit të fushatës zgjedhore për zgjedhjet e përgjithshme në vend ka vërejtur një parregullsi të cilën e kanë evidentuar me fotografi të printuara. Paraqitsi i ankesës potencon se me datën 26.09.2019, në rrugën Ahmet Kaqiku në Ferizaj, dhe në afërsi të sheshit kryesor të qytetit, monitoruesi i tyre ka hasur në posterat e kandidatëve për deputet nga Lidhja Demokratike e Kosovës (LDK), të ngjitura në hapsirat publike, në shtyllat e ndriçimit publik.

Me këtë rast paraqitsi i ankesës thekson se nga Lidhja Demokratike e Kosovës (LDK), është bërë shkelje e dispozitës së Nenit 33 paragrafi 1 pika b i Ligjit për Zgjedhjet e Përgjithshme Ligji Nr.03/L-073 dhe konsideron se Lidhja Demokratike e Kosovës (LDK), ka shkel këtë nen në momentin që ka vendosur posteret e kandidatëve në shtyllat e ndriçimit publik. Në mbështetje të pretendimeve ankimore ka bashkangjitur fotografi nga vendi ku ka ndodhur shkelja e Kodit të Mirësjelljes për Subjektet Politike, Mbështetësit e tyre dhe Kandidatët.

Në përgjigjen në ankesë, subjekti politik, Lidhja Demokratike e Kosovës (LDK), të datës 26.09.2019, kanë theksuar se në kushtet dhe rrethanat të cilat është duke u zhvilluar fushata zgjedhore dhe duke pasur parasysh faktin se komunat nuk kanë arritur ashtu siq kërkohet në dispozitat ligjore, të krijojnë hapsira të veçanta për vendosjen e materialeve zgjedhore dhe sipas tyre vendosja e posterave në një shtyllë elektrike nuk duhet të trajtohet si shkelje. Subjekti politik në përgjigjen e tij pretendon se shtyllat elektrike, pavarësisht faktit që është pronë publike tek ne në Kosovë janë përdorur në mungesë të hapsirave të dedikuara për këtë. Pavarësisht kësaj subjekti politik LDK njofton se ka ndërmar masat e duhura dhe ka evituar shkeljen e pretenduar

nga kandidati në fjalë, duke larguar foto e kandidatit për deputet, ndërsa lidhur me njoftimin për vizitën e kandidatës për kryeministër nga LDK, i përket parafushtës zgjedhore dhe thekson se sipas LZP-së, PZAP-i ndërmer veprimet juridike vetëm në kohën e fushatës, dhe menjëherë pas pranimit të ankesës i kemi ndërmarr veprimet përmirësuese, pra nga këto veprime është evituar shkelja sipas pretendimeve në ankesë.

Përgjigjes në ankesë si provë për të dëshmuar pretendimet e tyre i kanë bashkangjitur dy fotografi nga vendi ku janë larguar posteret e kandidatëve nga Lidhja Demokratike e Kosovës, lidhur me rastin në fjalë.

PZAP-i, pasi që shqyrtoj ankesën vlerësoi se:

Ankesa është e bazuar

Nga fotografitë e ofruara si provë të cilat gjendet në shkresat e lëndës shihet qartë se posterët e kandidatëve për deputet nga Lidhja Demokratike e Kosovës (LDK), dega në Ferizaj, janë vendosur në shtylla të ndriçimit publik në rrugën Ahmet Kaqiku në Ferizaj, në hapësira apo vende publike, veprime këto që janë në kundërshtim me nenin 33 pika b) të LZP-së e cila përcakton “ *Veprimet e ndaluara nga ana e subjekteve politike gjatë fushatës zgjedhore që ndalon vendosjen e pllakateve, posterave dhe njoftimeve në apo mbi rrugët publike*”

Duke u nisur nga gjendja e konstatuar faktike, paneli konstaton se nga provat e ofruara shihet qartë se nga ana Lidhjes Demokratike e Kosovës, është shkelur neni 33 pika (b) i Ligjit nr. 03/L-073 për Zgjedhjet e Përgjithshme në Republikën e Kosovës, pasi që posterët e kandidatëve për deputet nga Lidhjes Demokratike e Kosovës, janë vendosur në shtylla publike. Të cilën shkelje e ka pranuar edhe vetë Lidhja Demokratike e Kosovës, në përgjigjen në ankesë i datës 26.09.2019.

Paneli me rastin e vendosjes se gjobës, si në dispozitiv të këtij vendimi, ka marrë parasysh rrethanat si në vijim:

- Natyra e shkeljes dhe ndikimit të mundshëm të saj në procesin zgjedhor;
- Shkallën dhe peshën e shkeljes;
- Nëse subjekti politik ka marrë pjesë në zgjedhjet e mëparshme, konsiderohet se kanë qenë të njoftuar me obligimet dhe përgjegjësit gjatë procesit të fushatës;
- Nëse subjekti politik ka bërë shkelje të ligjeve zgjedhore në fuqi në këto zgjedhje apo në zgjedhjet e mëparshme në Kosovë si dhe
- Shumën e fondeve të marra nga subjekti politik prej Buxhetit të Republikës së Kosovës, për zhvillimin e aktiviteteve të lidhura më fushatën zgjedhore.

Paneli, mori parasysh të gjitha rrethanat në rastin konkret ngase subjekti politik Lidhja Demokratike e Kosovës ka marrë pjesë edhe në zgjedhjet e kaluara që do të thotë se janë njoftuar me rregullat zgjedhore, dhe për kundër këtij fakti se posterët e kandidatëve nga ky koalicion janë vendosur në shtyllë publike pra në vende apo hapësira publike. Po ashtu si rrethanë, PZAP-i e mori edhe faktin që subjekti politik në fjalë ia dha mundësin për tu përgjigjur, ashtu që në përgjigjen e pranuar nga ana e tyre shihet qartë se brenda afatit të caktuar kanë ndërmarrë veprime për të bërë përmirësimin e shkeljes, ashtu që e kanë tërhequr posterin në vendin e palejuar, i cili veprim ka ndikuar në lartësinë e gjobës së shqiptuar si në dispozitiv të këtij vendimi.

Paneli në kuptim të nenit 120.1 pika c) dhe nenit 118.1 të LZP-së, vendosi si në dispozitiv të këtij vendimi.

Paneli Zgjedhor për Ankesa dhe Parashtrësia

Anr. 91/2019 më datën 27.09.2019.

Kryesuesi i Panelit

Fejzullah Rexhepi



Këshilla Juridike: Kundër këtij vendimi nuk lejohet ankesa konform nenit 118 par. 4 të LZP-së.